

# Sa so valjani te džane bašo o izbor 2026

## Bašo save izboria kerelape lafi?

Ko purano kurko/ nedela 13 septemvri 2026 ka održinelpa izbor bašo parlamenti, regia – hem skupština opština. O thana ko parlamenti, regia – hem skupština opština ka delinenpe zavisno sar tu hem avera glasinena.

- O Parlamenti odlučinela, maškar aver, bašo kanunia so ka važinen ki Švedia.
- Skupština Regia odlučinela, maškar aver, bašo sastipaskoro arakhipe hem lokalno prevoz.
- Skupština opština odlučinela, maškar aver, baši škola hem phurengiri briga.

## Kote hem keda šaj te glasinav?

Taro 26 avgust hem dži ko izboreskoro dive ko 13 septemvri šaj te glasine porano. Šaj te glasine ko bilo savo lokali porano glasibaske, ki soro phuv. Ko izboreskoro dive 13 septemvri šaj isto te glasine ko tlo izboreskoro lokali so navedinelape ki tli glasibaskiri karta. Informacia bašo o sa lokalia isi ko val.se.

## Šaj te glasinav ko inostranstvo?

Te sian ko inostranstvo šaj te glasine lilea ja porano glasibe ko pobut švedikane ambasade hem ko konzulati. Ka valjani tuke posebno materiali či te glasine lilea. Odova poručinea taro o Organ uprava izborenge, i opština, ambasadia ja konzulati.

O glaso šaj te bičhavelpe poštaja taro o inostanstvo hemrano ko 30 juli. Šaj porano te glasine ko ambasade ja konzulati hemrano 20 augusti.

Te sian švedžani so živinea ko inostranstvo (na sian više uvedimo ki matično evidencija ki Švedia) ka dobine materiali glasibaske lilea hem inostransko glasibaskiri karta bičhaldi poštaja te sine tut

ažuririmi adresa ko Porezno ured. Te isi tut digitalno poštakoro sanduko, e inostransko glasibaskiri karta ka dobine hem digitalno hem ko lil.

## Ko save izboria šaj te glasinav?

Ki tli glasibaskiri karta isi informacia bašo save izboria isi tut hako glasibaske. E glasibaskiri karta ka dobine ko tlo digitalno lileskoro sanduko ja ko lil poštaja.

Tut isi hako glasibaske ko parlamenti te sian:

- 18 berš hemkasno ko izboreskoro dive,
- švedikano državjani hem
- sian ja sian sine uvedimo ki matično evidencija ki Švedia.

Te iselindžan tut hem na sian više uvedimo ki matično evidencija ki Švedia, ka valjani te prijavine tut ko glasibaskoro spisako sako dešto berš či te dobine inostransko karta glasibaske hem materiali glasibaske tari i Organ uprava izborenge.

Tut isi hako glasibaske ki regia – hem skupština opština te sian:

- 18 berš hemkasno ko izboreskoro dive,
- švedikano državjani hem sian uvedimo ki matično evidencija ki opština hem regia

ja

- državjani ki disavi EU: re člensko phuv ja državjani ki Island ja Norveška hem sian uvedimo ki matično evidencija ki opština hem regia.

ja

- državljani ki aver država osim odola so tane navedime upre, ja bizo državjanstvo, hem sian sine uvedimo ki matično evidencija ki Švedia o palune trin berša angleder e izboreskoro dive hem sian uvedimo ki opština hem regia.



## So valjani te lav mancar?

Ka valjani te le tuja id- dokumenti. Te na sine tut id-dokumenti hem na sian pendžardo e glasibaskere priemnikoske, šaj aver manuš te potvrdinel tlo identiteti. O manuš so ka potvrdinel tlo identiteti ka valjani te sikavel plo id-dokumenti. E izboreskere listia hem izboreskoro kuverti isi ko sa o thana kote šaj te glasine.

## Sar ka glasinav?

Ko lokali izborna glasibaske, odbirinea izboreskere listia so važinena bašo o različito izboria. Ka le jekh izboreskoro listo bašo sako izbor so ka glasine. E izborengere liston bašo parlamenti, regia – hem skupština opština, isi različito boe.

E izboreskere listia tane:

- žuto bašo izbor ko parlamenti
- plavo bašo izbor ki skupština regia hem
- parne bašo izbor ki skupština opština.

E izboreskere listia isi ko sa o thana kote šaj te glasine.

## Glasibe strankake

Sekfar glasinea jekhe strankake. E strankakoro anav tano ko izboreskoro listo. Te na arakhljan e izboreskoro listo odole strankake kaske mangea te glasine, šaj te hramone e strankakoro anav ko jekh čučo izboreskoro listo. Jekh čučo izboreskoro listo tano jekh izboreskoro listo bizo e strankakoro anav.

## Glasibe manušeske

Te mangljan isto te glasine jekhe strankakere kandidadeske, šaj te čhive jekh krsto ko kvadrati anglal e kandidateskoro anav ko izboreskoro listo. Šaj sade te čhive krsto jekhe kandidadeske. Isto šaj te glasine jekhe manušeske hramonibaja e strankakoro anav hem e kandidateskoro anav ko jekh čučo izboreskoro listo.

Tu ka ove korkori keda ka le e izborengere listia hem palo izboreskoro ekrani keda ka pripremine tlo glaso. Tlo izbor tano garavdo.

## Šaj te dobinav pomoč glasibaja?

Te sine tut funkcionalnikano pharipe ja taro disave avera sebestia valjani tuke pomoč, šaj te pomožinelpe tuke taro e glasibaskoro priemniko. E glasibaskere priemnikon isi službeno tajna hem na sminena džikaske te vakeren kaske glasindžan. Averdženo isto šaj te pomožinel tut ama tegani hem e glasibaskoro priemniko mora te prisustvuinel.

Isi informacia bašo lokalengiri dostupnost ko val.se. Isto šaj te kontaktirine tle opština dobibaske pobut informacia te pomočno sredstvo tano dostupno ko tlo lokali.

Te valjandža tuke materiali brajevo lilea, šaj te poručine taro o Organ uprava izborenge. Šaj te dobinav pomoč glasibaja?

## Sar šaj te glasinav te našti džava ko lokali?

Te sine pharipa te dža ko lokali či te glasine sebestia ko misal funkcionalnikano pharipe, šaj te dobine pomoč taro jekh kuriri so ka ljel tlo glaso ko lokali. Či te šaj te glasine kurirea, ka valjani tuke posebno materiali so šaj te poručine tari i opština ja tari i Organ uprava izborenge.

Isto šaj te dobine pomo taro glasibaskoro priemniko so ka avel ki tute i te ljel tlo glaso, kaske vakerelepe ambulirimo glasibaskoro priemniko. Kontaktirin tle opština pobut informaciake.

Informacia bašo sar šaj te glasine kurirea ja prekal ambulirimo glasibaskere priemnikoja ka arakhe ko val.se hem ki tli opština.

## Kote ka arakhav pobut informacia bašo o izbor 2026?

Ko val.se isi sa so ka valjani te džane angleder o izboria 2026. Odote isto isi informacia ko pokolaj švedikane, znakovnikani čhib hem avera čhibja.